

Eftirfarandi sveitarfélög á Vestfjörðum: Árneshreppur, Bolungarvíkurkaupstaður, Bæjarhreppur, Ísafjarðarbær, Kaldrananeshreppur, Reykhólahreppur, Strandabyggð, Súðavíkurhreppur, Tálknafjarðarhreppur og Vesturbyggð gera með sér svo svofelldan

## SAMNING

um menningarmál, í tengslum við samning um samstarf ríkis og sveitarfélaga á Vestfjörðum um menningarmál á Vestfjörðum vegna ársins 2010.

### 1.gr. Markmið

Tilgangur samningsins er að sveitarfélög á Vestfjörðum efli menningarstarf á svæðinu, leggi aukna áherslu á að menning sé hluti af atvinnu- og búsetuskilyrðum svæðisins og viðurkenni menningarmál sem eitt af mikilvægum verkefnum sveitarfélaganna.

Með samningnum verði stuðningi ríkis og sveitarfélaga á Vestfjörðum við menningarstarf beint í einn farveg og áhrif heimamanna aukin í uppbyggingu og forgangsröðun verkefna á sviði menningarmála.

### 2.gr. Menningarráð Vestfjarða

Menningarráð Vestfjarða er sjálfstætt ráð sveitarfélaga á Vestfjörðum sem starfar eftir starfsreglum sem samþykktar eru á aðalfundi þess og samstarfssamningum sveitarfélaga og ríkis. Hlutverk ráðsins er að standa fyrir öflugum þróunarstarfi í menningarmálum, hvetja til samstarfs og faglegra vinnubragða og stuðla að almennri vitund og þekkingu um málaflokkinn. Menningarráð Vestfjarða úthlutar fjármagni til menningarverkefna á Vestfjörðum, samkvæmt samningi ríkis og sveitarfélaga á Vestfjörðum um menningarmál og hefur eftirlit með framkvæmd þess samnings.

Menningarráð skal skipað fimm fulltrúum, og jafnmörgum til vara. Fulltrúar skiptast þannig: Einn fulltrúi frá Strandasýslu og Reykhólum, einn fulltrúi frá Vestur-Barðastrandarsýslu, einn fulltrúi frá Bolungarvík og Súðavík og tveir fulltrúar frá Ísafjarðarbæ. Í tengslum við aðalfund Menningarráðsins, Fjórðungsping Vestfirðinga og gerð nýs menningarsamnings við ríkið á árinu 2010 verður þessi tilhögun tekin til skoðunar.

### 3.gr. Samstarfssvæði

Á Vestfjörðum eru þrjú samstarfssvæði um menningarmál. Þau eru þannig skilgreind:

**Strandir og Reykhólar:** Reykhólahreppur, Árneshreppur, Kaldrananeshreppur, Strandabyggð og Bæjarhreppur.

**Vestur-Barðastrandarsýsla:** Vesturbyggð og Tálknafjarðarhreppur.

**Ísafjarðarsýslur:** Ísafjarðarbær, Bolungarvíkurkaupstaður og Súðavíkurhreppur.

Á grunni þessara samstarfssvæða verði unnið samkvæmt stefnumótun sem unnin hefur verið fyrir menningarmál á Vestfjörðum. Í tengslum við aðalfund Menningarráðsins, Fjórðungsping Vestfirðinga og gerð nýs menningarsamnings við ríkið á árinu 2010 verður þessi tilhögun tekin til skoðunar.

4.gr.

Hlutverk Menningarráðs

Ríkið greiðir sérstakt framlag til Menningarráðs Vestfjarða meðan samningur þessi er í gildi. Menningarráð Vestfjarða skal auglýsa opinberlega eftir umsóknum um styrki af því fjármagni sem það hefur til umráða samkvæmt samningi ríkisins og sveitarfélaga á Vestfjörðum um menningarmál. Sveitarfélög, stofnanir, fyrirtæki og einstaklingar á Vestfjörðum geta sótt um styrki til Menningarráðsins til einstakra menningarverkefna. Við úthlutun styrkja skal hafa eftirfarandi til hliðsjónar; gæði verkefna og umsókna og fjölbreytni menningarstarfs. Skilyrði fyrir úthlutun úr sjóðnum er að viðkomandi umsækjandi sýni fram á mótframlag til verkefnisins.

5.gr.

Hlutverk sveitarfélaga

Sveitarfélög á Vestfjörðum beita sér fyrir því að framlög til menningarmála, á samningstímanum nemi ekki lægri fjárhæð árið 2010 en framlag sveitarfélaganna voru að jafnaði á árunum 2007-2009.

Kostnaður við starfsemi ráðsins m.a. vegna aðstöðu og starfsmanns, skal greiddur af því fé sem veitt er til að efna menningarsamning ríkis og sveitarfélaga á Vestfjörðum og með beinum framlögum sveitarfélaganna á svæðinu. Skulu sveitarfélögin greiða að lágmarki helming kostnaðar vegna starfsemi Menningarráðsins (þ.m.t. skrifstofuhald og laun) árið 2010 og fjórðung af þeirri heildarfjárhæð sem veitt er til verkefnastyrkja.

6.gr.

Uppsögn og endurskoðun

Telji samningsaðilar að samningsbundnum skyldum sé ekki fullnægt geta þeir gert skriflega kröfu um að úr því verði bætt innan hóflegs frests. Menningarráð Vestfjarða annast umsýslu slíkra mála. Sé ekki bætt úr annmörkum á framkvæmd samningsins getur samningsaðili sagt samningnum upp með 6 mánaða fyrirvara.

7.gr.  
Gildistími

Samningur þessi gildir til ársloka 2010. Aðilar skulu ræða grundvöll fyrir áframhaldandi samningi í tengslum við aðalfund Menningarráðs og Fjórðungsþing Vestfirðinga 2010.

8.gr.  
Lögsaga

Leysi samningsaðilar ekki ágreiningsmál sem rísa kann vegna samnings þessa skal það rekið fyrir Héraðsdómi Vestfjarða.

Samningur þessi er gerður í 10 samhljóða eintökum og heldur hver aðili sínu. Framangreindu til staðfestu eru undirskriftir aðila.

9. apríl 2010

\_\_\_\_\_  
F.h. Árneshrepps

\_\_\_\_\_  
F.h. Reykhólahrepps

\_\_\_\_\_  
F.h. Bolungarvíkurkaupstaðar

\_\_\_\_\_  
F.h. Strandabyggðar

\_\_\_\_\_  
F.h. Bæjarhrepps

\_\_\_\_\_  
F.h. Súðavíkurhrepps

\_\_\_\_\_  
F.h. Ísafjarðarbæjar

\_\_\_\_\_  
F.h. Tálknafjarðarhrepps

\_\_\_\_\_  
F.h. Kaldrananeshrepps

\_\_\_\_\_  
F.h. Vesturbyggðar